



Voll Wehmuet dänggt dr Jöge Schild zrugg ans Vrbrächerjaage
 D Entzuserschyng mues er wool nid bsunders lang vrdraage
 Mit so korubde Brieder gitts jetz bald e fraidig Wliderserh
 An dr erschte Sitzig z Lausanne bim Olympisch Komitee

Imme Bärner Schuelhuus duet me bald dr Notstand proklamiere
 Will sich dert zwai Erschtklässler massiv terrorisiere
 Dr Glainer spilt dr Keenig duet em Grosse d Fuscht garniere
 Dr Groossi duet sich mit 'me Brünneil in Durmsagg revanchiere
 Dä wo das Problem vursacht het muess Dinte gsoffe haa
 Wär setzt scho alm wo Moritz haisst e Christoph näbedraa

Am Bosporus het d Schwyzer Nati d Fuessballschlacht entschilde
 Drotzdäm hänn mir Gsalzene die tyrkisch Mannschaft stargg benilde
 Will unsri Basler Seel wurd juuble kennt me sonre Zircher Pflutte
 Wie em Ritschy Cabanas ains greftig hinde yneschutte

Uralt Flaisch, e ranzig Schnitzel ganz mit Schimmelpilz beleggd
 In Dytschland hett me massewys vrdorbni Waar entdeggd
 Wo hetts so fuulig Flaisch bi uns – die Antwort isch banal:
 Die greeschti Mängl laageret im Nationalrootssaal!

Bi däm Gschyss um d Vogelgrippe duet me kreftig Ibertrybe
 Do goht no ganz vrgässe, welli Vortail ibrigblybe
 Denn wenn e jeede, won e Vogel hett, die Grippe wurd bikoo
 Wäre uff almool jo numme no ganz weenig Zircher doo

Zer Vrseenig dien dr Sabo und dr Koch e Golfmatch wooge
 Wo dr Sabo puttet isch em Koch dr Sand um d Ohre gfloooge
 Druff maint dr Koch euphorisch: «Zem Vrgää bin ich baraad
 Denn wär so mys ysloch wie Du läbt sicher sträng im Zölibaad!»

«Gränze zuel – Freyzligigkait das isch e Misch!» sait d SVP
 Das hämmer uusnahmswys vo Anfang aa genauso gseh
 Au mir Gsalzene schleen vor, dä Grundsatz konsequänt z beachte
 Denn wär wurd scho gärn d Frau Zanolari freyzligig betrachte?

M-Budget – Gyz isch geil – mir Schwyzer draale jeede Rabbe
 Dä Spar-Tick wurd schynt langsam au uff d Fasnacht libreschwabbe
 Drum dien mir uns am Trend vo mänge Schnitzelbängg ussrichte
 Wo us Spargrind scho syt vylne Jahr uff Pointe dien vrzichte

Syg nätt zue Deppe mit Beschwärde
 Si kennte Dyni Chefe wärde
 Dangg däm Vrhalte sin so Horde
 Wie d Amis zuenere Wältmacht worde

Dä Grundsatz hämmer iibersprunge
 Letscht Jahr e Värs vom George Bush gsunge
 D Konsequänze hämmer gspyyrt
 Dr CIA hett uns entfyyrt

D Amis hänn gsait: «Eych Terrorischte
 Dien mir dr granggi Kopf uusmischte
 Drzue erniidrige und zwinge
 Im «Musikantestadel» z singe

Und wehret ihr Eych, dert mit z mache
 Wisse mir no schlimmi Sache:
 Denn gitt s zer Stroof fir eyer Gfasel
 No vier Stund Bängg vom Tele Basel!»

Bim Ghaimdiensch gilt syt vylne Jahr:
 Dr Bush gitt s gaischtig Niveau vor
 Drumm dien mir zem Eych integriere
 Dreyviertel Hirni amputiere!

Jetzt kennet Ihr nimm graduus dängge
 Mir dien Eych drumm s Vrtraue schängge
 Und Agänte presentiere
 Wo fir uns d Schwyz uusspioniere

E Top-Agänt haisst Beni Thurnheer
 Dämm sy Gschwätz wirggt wiene Sturmgeehr
 Er paggt sy Geegner – nimmt en dure
 Und duet ihn kampfunfähig schnure

Dr Malama, die wunzig Bohne
 Duet sich fir CIA-Zwägg lohne
 Mir nutze drum dä glai Spion
 Als Abheergrät im Delifon

Dr Felix Moppert 007
 Hett fir uns Striplokal betriibe
 Bim Ysatz Fraue äng beschattet
 Und schynt zer Tarnig au begattet

Die Situation kennt eskaliere
 Wie sotti d Schwyz druff reagiere?
 S gitt nur ai Wäg uus däre Noot:
 Die Gsalzene in Bundesroot!!!